

青州府志卷五十七

傳之二

列女傳二

明

曹明達不傳其父名益都人性至孝終身不嫁以養父母有北宮嬰兒子之風載明一統志

張氏潘文化妻益都人夫卒自縊柩側

甯氏安邱人年十六許字劉真兒未歸真兒卒謂父母曰烈女不字二夫不幸夫死命實爲之豈忍棄背願奔喪至則撫棺痛哭幾絕堅守不渝孝養舅姑歷五十餘年而卒

青州府志卷五十七

洪武間旌

舊志永樂間旌

載明一統志

李氏女安邱人洪武初從其父母自直隸某縣來居縣西南山中父行次十一不傳其名有弟小於女十餘歲弟方孩提女躬親操作父母倚之如子及笄父母爲之議婚女愀然曰數載播遷親老弟幼忍離膝下乎父母憐其意亦姑聽之父歿女日夜啼泣偕弱弟負土山麓以葬母喪亦然里人以爲賢爭委禽焉女泣謂弟曰顛沛相依二十年寸步不敢違所以爲父母也今父母歿弟初授室不能自立姊且中年矣又何議焉於是終身不嫁相弱弟力田起家覆露李氏爲功甚鉅後三百餘年縣人曹益厚奇其行

比之北宮嬰兒子乃爲文俾李氏子孫以榻於墓

張氏楊添

舊志添作天

祿妻諸城人年二十三添祿病革語張

曰我死汝若何張泣曰妾當同死但不忍舅姑無養耳添祿死辛勤奉舅姑終無他志洪武十九年旌

齊氏張仲先妻臨朐人夫卒孝姑訓子累遭兵荒家業不失永樂間旌

趙氏王政妻益都人正統六年旌

封氏莒州人益都曹儀妻尚書凱子婦也嫁一年而儀卒誓守終身未嘗一出戶庭畜一老嫗采野蔬自給五十餘年如一日後病革以拳石授夫從子錦妻李氏曰我死汝

青州府志卷五十七

與嫗舉我入棺下此石勿令男子近也言訖而瞑

李氏蕭增妻高苑人夫早卒事姑孝謹守節終身撫按某表其門

王氏張天祥妻高苑人幼許字天祥天祥別娶王氏在室隨父紀之官建寧後歸值天祥婦故仍適天祥歲餘天祥卒王年二十三父欲嫁之王泣曰女命薄不願更事他人父母老無子何忍言去父爲感動從之事姑始終以孝謹稱年八十卒

毛氏蔣氏婦伏其夫名壽光人從夫行役戍蓮水城夫卒攜一孺負夫骸骨萬里歸葬始終全節閭里高之正統七

年旌

常氏丁宿妻壽光人夫卒守節撫孤年一百三

舊志作一歲

董氏劉泮妻壽光人夫卒撫孤艮成立娶妻王氏亦早寡姑婦相依苦守人稱一門雙節云

王氏劉鉉妻壽光人夫卒無子苦守六十年

王雄妻佚其姓壽光人夫卒守節六十年

牟氏張瓚妻壽光人夫早卒天順初歲饑貧不能支親屬諷之改適牟正色拒之以節終

冀氏姜綺妻益都人延安府通判冀九皋女知州漢子婦也年二十八有二子曰嶽崙夫病革誓與同死夫卒家人

青州府志卷五十七

三

以撫孤勸止之冀粗粒縞素歷四十年不窺庭戶閭里賢之

王氏劉汝嘉妻益都人宏治間旌

翟氏蔣惠妻樂安人年二十夫卒翟守志堅貞壽七十後卒從子暘官監察御史奏聞以嘉靖十三年旌

劉氏劉臺女臨淄人正德六年流賊入城女被賊執不爲所辱給歸視母遇井死焉

常氏常維女博興人正德六年女年十六流寇起維與妻謂女曰我家無財物祇爾可憂耳女曰勿憂也其父母穿一穴納女於中遁去祖常富老不能行留焉一惡少從數

賊至曰其家有女賊遂逼富以刃加頸女自穴出曰勿傷我祖誠舍富驅女入城女不從誘之百端不聽刃其面女大罵斷其臂愈罵斷其足愈罵遂支解剝剔以死富得不死時縣人以全城冒賞烈女之死不以聞嘉靖間邑人顧鐸始爲之傳

國朝康熙初知縣蔣維藩建祠祀之

劉氏王鑰妻樂安人年二十三夫卒一子方六七歲劉紡績養舅姑後舅姑及子相繼歿劉苦守四十七年旌

蕭氏蕭宗輔女樂安人年及笄未字正德六年土寇陷城爲賊所得欲污之不從以罵賊支解而死旌

青州府志卷五十七

四

隋氏張範妻壽光人正德六年爲流賊所執不辱賊怒斷其左臂隋罵愈厲賊爭刃之一賊歎曰烈女也爲瘞其屍而去

崔氏岳情妻壽光人年十八夫卒崔伏戶痛哭曰夫旣死矣我何生爲闔門自縊

劉氏王銳妻壽光人年二十八夫卒守節

張半廂張祿女壽光人年十七未嫁流賊犯境掠之半廂曰吾良家女寧死不從賊罵不絕口遂遇害

馬氏王德妻壽光人正德時遇賊不辱死同時死者有杜氏王氏劉氏杜張崇妻王徐禮妻劉蘇懋妻亦壽光人

留泉烈婦佚其姓昌樂人正德六年遇賊脅之上馬罵曰
死耳肯從汝耶叢矢如蝟而死

石氏佚其夫名安邱人正德六年遇流賊不屈死

王九粟王奉女安邱人年方及笄正德六年正月流賊入
城九粟與鄰韓鸞女偕爲男子服脫去爲賊所識欲污之
九粟罵曰吾豈爲狗彘耶賊怒剗刃於胸猶罵不絕口賊
碎其首而死

趙氏韓梅妻安邱人夫卒於正德六年趙年二十三遺孤
守禮未及二歲苦節自厲年逾七十而卒

陳氏陳能女昌樂人正德七年爲賊所執欲污之不從賊

青州府志卷五十七

五

傷其額而去

臧宿妻臧奉亭妻昌樂人皆失其姓正德七年爲流賊所
執皆不屈死

高氏高蕢女安邱人年十七正德七年冬流賊復起女避
古墓中爲賊所得復投井賊出之不得死欲污之女罵不
從賊以刃迫之頸血淋漓猶罵不絕口遂磔而死

李氏趙雄妻安邱人正德十年夫卒李年二十一子承恩
生甫九月矢志以守族豪百計凌奪不易也後承恩早卒

李又蕪其孫甫成立而長孫應元

舊志作
應期

又卒其婦李氏

年僅二十卽自縊以殉隆慶五年六月事也李年九十有

四有司歲時存問

王氏邢釗妻諸城人給事中潤子婦也年二十八夫卒遺子智甫六歲撫養督教之早補諸生舉鄉試而卒其妻李氏依姑守節終身不出戶庭雖至戚不得一見知縣申良李宗樞表其門

張孝妻佚其姓益都人孝與惡少魯東友東窺氏抱兒獨居夜持刀入其室氏驚曰爾夜至何爲禽獸其行何以見張孝東乃殺其兒氏愈忿罵遂殺氏破其腹方有娠也焉之官東論死氏得旌事在嘉靖初年

潘氏佚其夫名益都人夫卒家貧無子杜門自守紡績以

青州府志卷五十七

六

爲活旣老力不能自給或饋之不受器具衣服皆盡則以屋瓦易粟而食凍餓以死鄉人哀而葬之無人爲之表揚者後百餘年老儒陳樸傳其事嘗舉以語人

李氏王博

新縣志博作傳誤

妻博興人嘉靖間縣令張某表其門

年八十五卒

孫氏高朋妻博興人年十七歸朋四年而寡或勸之嫁孫泣拒之事繼始能曲得其歡心有司歲給粟年七十餘卒旌

韓氏馬崇圖

新縣志圖作國誤

妻博興人旌

馬氏于九皋妻博興人旌子藩舉人

王氏郝應璧妻壽光人夫疾王誓以死殉夫病亟知不起遂先自縊死旌給其子衣巾爲奉祀生

王氏桑鳳翔妻壽光人夫卒以死殉

縣志不言所以死

邱氏唐縣縣丞王正明妻壽光人夫卒與妾陳氏苦守五十餘年

岳氏游氏婦佚其夫名壽光人夫卒遺孤在抱父母憐其少欲嫁之岳誓死不從以節終旌

牛氏劉穎妻壽光人通經史夫卒守節五十年子學易仕至侍郎生平所學得於母教者居多

張氏李瑜妻安邱人夫卒子祿方四歲張年二十四矢志

青州府志卷五十七

七

不嫁卒年八十二

楊氏李輝妻安邱人夫卒楊年十九子子英甫兩月父母欲嫁之楊不從不歸母家者數載及卒子英廬墓哀毀成疾亦卒人稱母節子孝云

王氏馬賢妻安邱人正德中賢死於賊遺孤陳圖甫三歲無所依族人有欲奪其志者王矢死守之家素貧其子嘗游某姍家持米數升歸王叱之曰兒欲食人之所棄耶令還之後子爲諸生王年八十六無疾而卒時溽暑越四日斂而蠅蚋無敢近者人皆異之

高氏王善妻安邱人正德十二年夫病死高年二十八二

子俱幼人勸改適不爲動守節於子學詩在諸生有重名後爲教諭

劉氏仇仁妻安邱人夫卒年十九子一亨未週歲矢志守節四十餘年卒後一亨爲諸生

韓氏樂九霄妻安邱人夫卒韓年二十三子鳴岡甫二歲寄食外家嘉靖六七年間歲禮韓間日一食矢志愈艱撫孤成立守節四十餘年卒鳴岡後爲訓導

彭氏益都彭珩女安邱王枚皋妻也許聘未嫁枚皋病欲女一見時彭年十六珩送至安邱彭見夫病篤親湯藥不怠已而夫卒彭慟絕而蘇誓死以守禮事舅姑足不出戶

青州府志卷五十七

八

庭者十四年舅以外訟株連送歸父家事訖而還越二年濰縣丁道平者喪妻欲娶之其父密議於母彭察知之仰天長歎六日不食將死丁悔之贈之棺彭謂父母曰可東葦葬我勿用丁氏物九泉之下欲見王枚皋也瞑目而逝父貧不能具棺欲違女意易簀四人莫舉益二人重如之有好義者易以棺乃舉遂與枚皋合葬焉

門氏馬惠妻安邱人夫卒子文煒甫週歲門矢志撫孤足不踰闔家貧遇歲禮嘗脫簪珥以供朝夕文煒長督教之甚嚴卒以成立有勸文煒爲母節聞者文煒歎曰令甲三十而下母年逾一奈何曰蓋少謙文煒曰吾始出而事君

卽以欺之何以爲臣欺而得之母亦不安何以爲子竟不請後封恭人

黃氏王儒妻諸城人嘉靖五年夫卒黃年二十四晝夜號泣誓以死殉家人以舅姑垂老二子孩提諭之乃止撫二子承蔭承芳皆成立以壽終

劉氏李玉妻安邱人嘉靖八年夫卒劉年二十七子國用甫三歲守節撫孤三十餘年卒

楊氏劉元弼妻安邱人嘉靖十年夫卒楊年二十七子東涯八歲西涯在抱守節自誓家貧惟備女工以自給教訓二子俱爲諸生年七十餘卒

青州府志卷五十七

九

李氏李自然女安邱人少許字高密游

舊志游作牛誤

豹豹病亟

欲迎女母難之女請行曰我生死則游氏婦也卽未入若門而若死豈更醮哉父母喻百端不聽旣至一月而豹卒女斷髮絕粒自縊而死事在嘉靖十二年越二年旌

林氏孫克忠妻安邱人嘉靖十七年夫卒林年十七生遺腹子光前苦志守節年六十有八有司以時存問

仇氏王思義妻諸城人嘉靖二十六年夫卒仇年二十七無子妾孫氏生子選甫二歲又無遺產仇視妾子如己出備極撫育歷四十餘年內外無間言巡按某表其門

王氏都一貫妻安邱人一貫娶數年忽病瘵王侍湯藥甚

謹疾革謂王曰吾卽死汝何依可自圖之王慟哭誓以死
殉夫卒其夕自縊年二十四事在嘉靖三十一年二月越
七年旌

謝氏張禎妻安邱人夫卒年二十二于思孝在抱謝撫孤
守志年八十五卒

張氏趙東周妻安邱人夫卒屢自縊皆遇救不得死給守
者曰吾豈不愛死爲姨輩憂逾三月而守者遂弛乃夜起
更衣縊棺側其從容就義如此年二十四事在嘉靖三十
六年八月越二年旌

青州兵備道王世貞趙節婦哀辭明嘉靖三十又六載

青州府志卷五十七

十

安邱父老言張氏女死事張故書生趙東周婦歸亡何
趙生坐羸疾困且殆日夜不解髻奉湯藥手浣中裙廁
踰指盡瘞顧謂趙生卽不令若獨死趙生死張大號泣
三日漿水不入口以間起自縊衆覺解不死已再縊再
覺解不死張度亡奈謬爲守者謝姨輩勞苦生肉冷矣
亡及矣吾寧不愛雀鼠之息爲姨輩憂三月而守者信
之少懈怠夜起更衣縊棺側解之係絕矣分巡使者王
世貞異其事下青州守守下安邱令徵諸博士弟子偕
父老言張氏故書生趙東周婦爲東周死具如前狀旌
使者爲上御史奏未報則以一少牢祀趙烈婦嗚呼齊

俗夸侈任俠好相雄長以利固爾無鹽氏之賈術史覈
女之烏合志傳苟賞以爲明智僅二千餘年而烈婦始
大洗之快哉雖然今皇帝風厲誼行化浹旣世矣而以
使者所目覩委節損脰之事往往不在詩書而在甲冑
又其甚迺不在弧矢而在帷幃也可慨也使者愧爲男
子矣於是敬爲楚語一章下神而虞之其辭曰蕙羞蒸
兮葯房汎霞膏兮薦天觴脩晷兮瑜璫靈將假兮中衍
徨悵獨御兮亡懼頽幽姿兮不可干昭昭兮啟明將薄
鑒兮予微誠靈肅肅兮雙袂偕子仇兮來而逝轅連柏
兮輓扶荔驂和鸞兮朝上帝

郭氏王道存妻諸城人嘉靖三十七年夫卒郭年二十八
子珞方週歲郭躬勤織紡守節撫孤歷三十餘年撫按某
表其門

高氏劉字妻益都人夫卒高年十九家貧事姑董氏撫養
遺腹子元夫成立姑卒居喪中禮嘉靖三十八年旌

林氏郝相妻益都人夫卒家貧無子撫妾子繼祖成立年
七十餘卒

李氏辛子盈妻安邱人有賢操夫故有羸疾及革謂李曰
非若吾何延至今日吾死幸自謂之李大慟曰君在與在
君亡與亡無二心也及卒李自繼家人解救勸諭百端終

不聽卒死於柩側年二十二事在嘉靖三十八年五月

周氏陳子和妻益都人年十七適陳三年夫卒生遺腹子家貧奉姑教子苦節以終嘉靖三十九年旌

王氏李遠妻安邱人夫卒子朝用甫兩月王年十八守志甚篤嘉靖三十九年卒

范氏孫纘妻安邱人舊府志安邱縣志皆曰安邱人諸城縣志亦有之嘉靖四十

年夫卒范年二十四子有託生甫兩月范慟哭誓必死七日之內自縊者三皆以救免姑勸以撫孤為孝范悟有託長為諸生學使某表其門

劉氏張鑑妻諸城人嘉靖四十年夫卒劉年二十七子守

青州府志卷五十七

七

孝始週歲劉撫之成立以選貢入成均更名廷策歷四十餘年巡按某表其門

張氏王桂舊志桂作桂誤妻安邱人夫卒張年二十以首搶地欲

死血被面移時而蘇自縊不得遂飲藥而絕母以水沃之復活強之食不聽第日能令若起即食矣越九日夜縊而死事在嘉靖四十二年四月

某氏佚其姓臨朐某女益都李守智妻也夫卒縊死馮子履施棺瘞之

劉氏董汝澹妻益都人年十九夫卒子椿尚在襁褓姑老家貧紡績事姑姑卒喪葬以禮椿既長為郡諸生

陳氏崔章妻益都人年二十一夫卒貧不能葬女紅自給與靈俱守雖親族亦罕視其面

陳氏劉嵩妻益都人年十七歸嵩生一子而寡屏去服飾躬紡績以養舅姑姑亟稱其孝宗黨無間言

郝氏冀尚儉妻益都人夫卒事姑撫孤絕甘茹素冬衣不絮飲水異器不與家人共盎缶苦心卓行白首如一子道隆萬厯間舉於鄉郝年七十餘歲旌

賈氏尚書陳經妾益都人夫卒賈年二十子夢璜幼賈撫教之長娶李氏樂安太僕卿李舜臣女也年十九夢璜死李生遺腹子彬長爲諸生娶鍾氏生子彬又死時家已中

青州府志卷五十七

三

落李與鍾食貧守孤得旌月給米焉

李氏戶部主事初旦妻博興人夫卒撫孤開蔭成立娶妻顧氏無子開蔭又卒顧撫嗣子載贊娶妻許氏載贊又卒三世苦節知縣高節表其門

顧氏蓋耀妻博興人年十七歸耀事姑以孝謹逾三年夫卒顧水漿不入口者數日戚族勸慰之強起奉舅姑無異平時慙二載舅姑相繼歿顧盡哀盡禮葬畢自縊而死

宋氏佚其夫名張爾載母博興人年二十生爾載七月夫卒矢志守節事姑孝姑病篤宋晝夜哭泣飲食俱廢姑夢神曰爲爾婦活爾天明姑愈旌

賈氏王嘉猷妻博興人旌子秉厚廩生

陳氏崔中璧妻博興人夫卒苦節事姑土豪某謀娶之陳與姑誓於神至死不變旌

宋氏張可大妻博興人旌

初氏博野知縣顧合璧妻博興人夫卒子方晬撫孤守節里中高某利其宅百計搖之不得潛縱火焚之至寢室止後某如廁見厲鬼擊之而死旌

張氏閻必行妻博興人夫卒張年二十七家貧子瘍誓不再適紡績以奉寡姑姑卒哀毀骨立歲饑人相食村落空虛張獨居盜賊相戒勿侵擾年六十一知縣某表其門

青州府志卷五十七

十四

王氏周國妻博興人夫嘗割骨療母年三十而亡王甘貧守節姑病癱王侍奉湯藥終始不倦貞孝之稱人無間言旌

張氏金廷激妻博興人年十七夫卒哀痛幾絕子標甫八月張備歷艱苦久而益堅標長爲諸生知縣某表其門

閻氏陳偉妻樂安人有賢名夫卒年二十七一子萬全撫教之爲諸生年七十餘卒旌

房氏宋尙義

舊志無
宋字

妻樂安人夫卒年二十三子光輝甫

三歲旣葬泣拜父母曰今爲宋氏寡婦不得歸寧父母矣覓一嫠婦司門戶供炊汲已獨坐一室中誦佛經絕酒肉

二十餘年光輝長食餼於學以廩餼市羊豕祭父墓歸而熟之以進母曰兒不孝不逮養父廩餼君恩也願母嘗焉房爲破涕進一觴旋屏絕如故年六十一卒里人無識其面者

傅氏趙希龍妻樂安人年二十二夫卒子耿光尙幼傅號泣嘔血幾不欲生諸妯慰之曰卽相從地下可矣若藐孤何乃悟而起守節撫孤俾成立焉

張氏李棟妻樂安人性貞靜寡言笑夫素嗜酒不事生產張屢諫不聽寢以成疾乃語張曰悔不聽汝言以至於此我死汝將誰依張泣曰飢卽死爾豈有他乎遂嚙指血淋

青州府志卷五十七

五

瀉以示棟夫卒無以爲殮盡脫簪珥以營之紡績事姑朝夕惟謹足不踰閭者五十餘年年八十卒子智妻孫氏年十四適智事姑至謹四年而智亡時有娠五月生子含金而夭姑曰夫亡子死若何曰願如姑足矣後姑卒喪葬如禮年七十一卒

蔣氏蔡嘉賓妻樂安人御史蔣暘女也年二十歸嘉賓克盡婦道夫卒自縊家人救免姑及父母以遺腹解之旣生女不育復以死誓又有以姑年老言稍悟遂截髮自誓逾十年姑歿歸依其母守節終

鄧氏孫可久妻樂安人興縣教諭鄧賢女也年十九適可

人事舅姑以孝聞三載夫卒鄧哀毀欲絕未幾舅姑亦相繼歿無所依返母家依弟姪以終年七十餘卒

隋氏劉允升妻樂安人年十九歸允升允升素有疾未合鬻而卒隋水漿不入口欲自絕時父瑤以事滯濟南母及兄給之曰父旦夕返忍不一見耶隋諾閱月父瑤歸語之曰汝未爲婦也急治喪歸隋以葬後請瑤信之守者亦懈潛入寢室衰服自縊死事在嘉靖間知縣金鸞親祭其墓爲請旌焉

劉氏陝西副使李時漸妻壽光人夫卒縊於柩側

張氏高對妻壽光人嫁未三載夫病卒守節五十九年事

青州府志卷五十七

六

姑曲盡婦道旌

劉氏貴恪妻壽光人年二十二夫卒守節以終

宋氏馬住妻壽光人夫早卒生遺腹子撫之守節以終

蔣氏遼東蔣某女臨朐馮惟重妻也惟重以行人使楚中道卒蔣守志撫孤足不踰闕雖兄弟罕見其面以子孫貴累受封壽八十餘卒旌

孟氏謝惠妻臨朐人夫病垂危孟先夫自縊後二十年典史張洪立碑表其墓

周氏河南副使曹一鳳妻安邱人登封知縣周潮女也夫卒於官子女俱幼周服勤育訓雖至戚不覩其面子應鏞

莊浪知縣

蘇氏王氏大同府知府李遷梧妻安邱人王一子三祝甫三歲遷梧卒蘇無出年二十二與王同撫一子甘苦共嘗者四十年蘇歿三祝為服三年喪云

李氏安邱人年二十五而寡又李氏亦縣人鍾志皆稱其夫亡守節並云舊志不著夫名

馬氏李相繼妻諸城人夫卒馬年二十二無子以夫從子士承為後教之補諸生巡撫某嘗遣使存問知縣鄭坤曹濡先後表其門年幾七十卒

青州府志卷五十七

七

子二女夫卒撫孤成立其女長適陶一林一林亡女亦少年守節次適劉梓夫事舅姑以孝聞萬曆十二年梓夫死縊於柩側得旌人謂皆隆之身教云隆年六十六卒

張氏張希稷女高苑人隆慶初適長山楊休

善志兩載一作楊休一作

李休揚方七月休病藥必先嘗及卒踊屍痛幾絕即日縊死萬曆間旌建坊在長山

李氏馬大壯妻安邱人李遷梧女也夫卒乘間自縊者三皆遇救卒自縊死年甫十七事在隆慶二年八月萬曆間旌

高氏黃守紀妻安邱人夫病痿痺側需人高九載無倦容

夫卒絕粒十四日而死事在隆慶三年正月萬厯間旌
謝氏陳誥妻諸城人夫卒年二十子祝僅二歲謝守節不
出閨閫屏羅綺終身不御隆慶五年知縣趙楫表其門
年八十九

李氏田登妻安邱人夫病瘵日久曰吾死奈爾何李曰有
死而已遂不食隆慶六年十二月四日夫卒其日李亦死
蓋先夫半日云年僅二十

梁氏石茂華妻益都人守節四十年撫二子悒復成立
程氏楊芬妾益都人守節五十餘年訓子錄爲諸生

宮氏王銳舊志銳作銳誤妻益都人年十六而嫁舉一子池夫暴

青州府志卷五十七

六

卒宮年才十九耳有遺腹子旣生命之曰漫姑老池甫免
於懷而呱呱者又在抱義不可死析爨受室二楹又燬於
火結茅孤棲餘地盡爲夫弟所并宮亦不言弟婦者悍時
時詈辱之亦不之較也後爲池娶婦陳性至孝惟弟婦所
使得少米供粥或並日而食卒以餓死

冀氏王世鳳妻益都人尙書冀鍊女尙書基子婦也夫卒
無子守志年逾六十有女嫁生員白所懷所懷卒歸與母
同守一年而死世鳳弟世麟妻邢氏尙書邢玠女夫卒撫
孤任成立娶石氏未幾任卒石亦依姑苦守以終兩世四
節出於一門亦可稱也

舊志云冀氏益都王世基妻王氏世基女自所懷妻夫亡遂歸與母冀同守案鍾志冀寶王世鳳妻王則世鳳女也世鳳王基子以鳳誤基亟正之

孫氏顧梓妻博興人夫卒子用熙尙幼孫年二十六哭幾絕者再姑慰之抱用熙拜曰婦何敢死孫性嚴介居無惰容督用熙不少寬萬曆十三年用熙舉於鄉孫始解顏一笑云

隋氏李謹妻壽光人平涼府知府隋不矜女也年十七夫卒自縊旌

馬氏魏汝憲妻臨朐人年十六夫卒慟哭不止淚枯血粘

青州府志卷五十七

九

衣盡赤旣殮縊於柩前萬曆初知縣荊州士請於大吏上其事得旨旌其門爲文以致奠焉

陳氏益都尙書陳經女臨朐馮惟直妻也夫卒生遺腹子不育陳剪髮茹素獨居一室家人罕見其面萬曆間旌

魏氏賈颯妻益都人寓居諸城夫泥於水屍沿流而下魏亦沿流從之衆救得免乃不食舅姑父母日夜勸喻水漿入口者再旋復吐之給守者曰不死矣防少懈投繯死年二十二事在萬曆元年八月諸城邱樞爲舉其事於縣劉氏李日華妻安邱人夫卒以死殉萬曆間旌

侯氏李學顏妻安邱人夫暴疾卒家貧卽日葬焉侯跪墓

前三日哭不止欲死於墓過者無不掩涕母傅氏強昇至家同起臥以防之侯窺母倦潛起自縊死年十九事在萬曆四年九月旌

徐氏通政司參議劉希孟繼妻安邱人夫卒徐年二十七諸孫方在童穉怙恃咸失徐篤志撫孤備嘗艱苦四十餘年孫正衡正宗俱進士崇禎間旌

王氏張民感繼妻安邱人夫卒長子嗣倫年十一次繼倫三歲次緒倫遺腹生也王苦節撫育以詩書爲教三子皆成名稟母訓也

侯氏孫必遜妻諸城人給事中侯廷柱女也夫卒侯年十
青州府志卷五十七

六誓以死殉家人以養舅姑勸乃不死守節終身卒年八十五

王氏徐芳妻諸城人萬曆四年夫卒王年未及三十甘菽水養姑能得其歡撫二子俾就儒業

張氏臧善妻益都人家貧夫婦賃屋以居萬曆八年夫卒有富室求娶者痛哭叱去之無子女資產以女紅自活冬寒凍餓一室主人婦夜聞呼臧善聲比曉視之縊死矣

孫氏張納妻壽光人夫卒守節三十餘年

鄭氏鄭香遠女壽光人許字楊三偉未嫁而三偉卒女聞之以死自誓母防之嚴女曰兒得死者柩前一哭當不死

不許又曰兒已許爲楊氏婦得姑來一語亦當不死迎其姑至女抱姑痛哭絕而復曰兒欲從姑去姑亦不許出門去母送之女已闔扉自縊矣萬曆十四年知縣高節表其門

李氏王業炳妻安邱人夫卒妾黃氏自經死李撫孤延璽爲諸生旌

馬氏王沼妻安邱人江西巡撫馬文煒女也博學工書未嫁姑卒以服請父難之氏曰旣許字矣禮難純采雖先王未之有可以義起也乃衣素者三年歸沼事繼姑孝夫卒馬年二十七哀慟欲死旣而曰姑在卽夫在留薄命以立

青州府志卷五十七

三

孤不猶愈乎撫二子成立二子亦能讀父書皆馬口授云萬曆間旌

趙氏裴貴妻安邱人趙伯祥女也夫孤貧出居諸城爲人傭挑菜於野無賴子李居純哭前逼之大罵不辱居純擊趙腦裂而絕居純論死獄上御史鄧鍊請立碑旌之事在萬曆十四年

姚氏濰縣都給事中姚德重女安邱周煜妻也夫卒出嫁衣焚之誓必死屢縊不得乃索食以給守者信之乘隙扃戶自縊而死年二十二事在萬曆十五年九月旌

黃氏王樽妻安邱人未嫁夫已病手癱及合衾伏枕調護

二年不息夫卒欲殉其祖母與同寢處防之甚嚴卒乘間
縊死時年二十一事在萬曆十七年三月旌

祝氏范宜訓妻諸城人年十七歸宜訓善事舅姑越七年
夫卒祝泣曰得從死足矣家人防之甚嚴乃佯爲自寬狀
防少疎縊於柩側旌

王氏韓九牧妻諸城人萬曆二十年夫卒王年十八痛哭
不食次夜縊於柩前旌

陳氏徐化普妻諸城人歸化普三年相敬如賓事舅姑謹
夫卒年十九痛哭絕而復蘇母知其意與同起臥越二日
母晨起之他室陳乘間自縊死旌

青州府志卷五十七

三

陳氏姜嵐妻益都人萬曆二十二年旌

崔氏徐爾康妻諸城人夫卒誓以死從母畢嚴防之不得
死逾二日伺母寢縊於柩側事在萬曆二十二年旌

武氏孫浩然妻樂安人夫病革屬曰吾死幸撫吾兒武泣
曰旣不獲與君偕老忍棄此呱呱者乎夫曰能如是吾目
瞑矣但貧不聊耳武曰勿以爲念也夫頷之而瞑旣葬武
勤紡績撫子成立以壽終旌

蔣氏邵繼儒妻樂安人嫁未期夫卒有貴戚者求爲繼室
父母將許之蔣聞之數日不食父母不能奪姑感其志爲
築一園於繼儒墓側墓則虛右以待蔣自是日焚香坐園

中苦守至六十而終

宋氏蔣奇鐵妻樂安人年十九夫卒剪髮斷髮守節四十餘年

田氏李修身妻樂安人夫卒無子守節五十餘年卒有司屢獎之

賈氏崔紹亮妻樂安人夫卒忍死養孤以守孤又卒苦節以終

周氏劉氏韓應陽妻安人萬曆二十二年夫卒周節自縊死劉年二十六一守節年七十四卒

邱氏南都邱某女益都董汝瀚妻也汝瀚卒撫孤備嘗艱苦至八十餘卒子李封主事孫可威尙書萬曆三十六年旌

青州府志卷五十七

馬氏李彥聘妻益都人夫卒撫孤成立事姑白首不懈年八十餘卒萬曆四十年旌

張氏韓崑妻益都人夫卒弱槐不生育子近械入庠萬曆四十年旌

李氏林試妻臨朐人謂明且其子戲試墜地死李亦引繩自投地不死既殮以所解髮流血被面亦不死乃不食七日死事在萬曆四十二年二月

王氏辛省吾妻安邱人夫卒子觀功王撫之或長子孫

不食七日死事在萬曆四十二年二月

氏覩死孫復守節五十餘年

李氏劉潛妻安邱人夫早卒遺子尙在襁褓李以死自誓姑諭以撫孤防之甚密李曰姑言良是婦不死矣防少疎乘隙縊於柩側年二十五知縣孫某表其門

李氏王顯祚妻安邱人年十九夫卒飲藥死二日復蘇自縊者數次家人防之密且以諸孤言乃悟時子玳璋俱在襁褓撫教三十年卒能成立

劉氏黃應奎妻安邱人夫早卒劉自縊旌

陶氏馬大勳妻安邱人年二十七夫卒矢志守貞撫養三子二女皆成立子曰駿爲諸生旌

青州府志卷五十七

三

馬氏李潭妻安邱人馬大勳女也年二十六夫卒視殮畢自經死知縣梁聘孟表其門事在萬曆四十二年四月

劉氏王延禎妻安邱人延禎病革劉自縊延禎聞之一笑而瞑

張氏楊嗣盛妻黃氏王業新妻皆安邱人夫亡自縊

范氏王垣妻諸城人夫卒范年二十六子之鉞僅四歲有豪強欲娶之范剪髮毀面誓不嫁萬曆四十三年大歉子母毀糟糠以生卒年五十七

李氏韓應福妻安邱人年十八夫卒欲以死殉姑以李娠將彌月防之甚周李不語不食至八日守者少懈解衣帶

自經萬曆四十四年旌

宋氏謝國璧妻安邱人一日夢身與夫同日死未幾夫果病宋知不起晝夜紡績潛營夫婦殮具納之篋中夫卒貧不能殮姑憂之宋獨不易服泣謂姑曰衣衾之具藏之久矣誓與俱死姑檢視殮具各一感動勸諭再三終不易志姑令人訪之至夜稍懈自縊死事在萬曆四十四年四月旌

張氏冀岫妻益都人侍郎鍊孫婦也夫卒張年二十八四子俱幼張勤紡績教子勿替家聲年八十有三卒次子之元永和知縣三子之益陵縣訓導季子紹芳進士漳平知

青州府志卷五十七

二十五

縣

蔣氏房徵妻益都人性嚴毅言笑不苟夫卒年二十七舅姑屢勸之嫁蔣誓曰婦有子在再言有死而已後子星朗星顯俱有聲鬻序問星顯名尤著云

鄧氏王詩妻益都人嫁一年夫卒鄧請於舅營兩壙未葬而生一女不舉將葬鄧又請焉舅不聽鄧自縊死

胡氏張浩然妻益都人夫卒舅姑欲嫁之不從縊死

姜氏石蓋妻益都人夫卒縊死

邵氏徐繼先妻益都人夫卒守節旌

楊氏董佑妻益都人尚書可威子婦也事舅姑以孝聞夫

卒無子楊年十八苦節五十餘年

鍾氏齊振基妻益都鍾洲女又劉元慶妻尙書鍾羽正女石之屏妻贈僉事鍾羽教女夫卒撫孤皆以節終

房氏劉若虛妻益都人夫卒遺一子清德甫週歲舅姑老病房苦節自矢孝親撫孤後子孫皆有文名知縣某表其門官給廩餼年七十七無疾終

染人劉進忠妻佚其姓益都人年三十夫卒生遺腹子賦性剛烈以禮自防能教子治生產七十有五而卒

王氏生員翟鳳挺妻益都人十七歲而寡欲以身殉姑知其有娠勸諭之乃不死三月生子元佐後爲太僕寺少卿

青州府志卷五十七

三

而夫婦又相繼亡王又撫其幼孫俾無墮家聲云

馬氏顧用誠妻博興人旌子萬象歲貢

張氏李珽妻高苑人夫病張焚香祝天願以身代夫卒誓以死殉家人嚴防之不食絕而復蘇卒縊於柩側萬曆間知縣齊鳴鳳表其門

劉氏盧文燦妻昌樂人把總廷器孫婦也廷器與子璿皆從征倭寇死家業彫零文燦卒劉號泣數日縊死柩側

尹氏張應星妻臨朐人夫卒尹年十八生遺腹子或勸他適尹斷髮毀容矢志苦守善事舅姑教子讀書成立孫亦能讀父書爲不替家風云

趙氏衣銘妻臨朐人夫卒趙年二十撫孤福堅志自守訓
養有方萬曆四十三年大饑出粟二百餘石全活者數百
家焚其券不受償鄉人義之

陳氏曾衢妻臨朐人夫卒陳年二十三遺孤嗣昌方周晬
苦志自矢撫之成立萬曆間知縣麻友椿表其門

劉氏李同林妻安邱人年十九夫卒誓死不嫁績紵自給
年八十五終

王氏高惟嵩妻安邱人夫卒王守孤主人擇師教之皆爲
諸生少子應玠以明經爲臨洮府同知

劉氏牛光耀妻諸城人性純樸喜聞古賢女貞烈事夫卒

青州府志卷五十七

二十七

劉年二十五二子皆襁褓歲饑或勸之曰不嫁餓且死劉
正色曰全節死猶生也守志三十餘年卒子某爲諸生

李氏惠淵妻諸城人夙勤內職夫早卒撫孤國隆運隆卒
振家聲知縣某表其門年八十七卒

何氏雋尙義妻諸城人夫早卒無子兩女皆幼姑老而寡
或勸之嫁何峻拒之撫兩女事姑甚謹姑歿喪葬以禮年
七十卒

陳氏王化普妻諸城人陝西副使陳煜女也夫卒家貧守
節以紡績撫孤成立年九十六卒

自曹明達至此凡百八十有二人有本傳年次可見

者有本傳年無可見而時猶可考者有年無可考而其縣志相次之人先後皆有年仍以其次爲次者

王氏畢竟選妻益都人夫卒姑老子幼無何子又死王依姑爲命矢一節以終其身學道吳某表其門

趙氏黃相繼妻益都人年二十一歸相舅姑老前妻遺一子三女皆幼趙事舅姑孝撫子女如已出越二年相病誓以死從相勉以撫孤引子女付之而卒趙泣受遺命執子女手痛絕復蘇於是經紀喪葬事舅姑撫子女養生送死婚嫁無失禮人以爲義繼母之亞云

黨氏徐彥齡妻益都人年十七歸彥齡六載而夫卒遺孤

青州府志卷五十七

天

化龍尙幼黨日夜求死家人及鄰媪百端譬喻之乃矢志苦守紡績養舅姑撫教化龍爲諸生人稱貞孝焉

趙氏徐政妻益都人夫卒子幼舅姑老趙孝親撫孤鄉黨稱之

楊氏林茂松妻益都人夫卒撫孤成立旌

宋氏生員穆深遠妻益都人旌

高氏生員傅從周妻益都人夫卒守節事姑孝教子爲諸生學道吳某表口貞孝

李氏張思仁妻臨淄人年十九夫卒無兄弟李奉養舅姑苦節五十餘年督學某巡按某表其門

許氏袁文博妻臨淄人年二十四夫卒忍死奉舅姑撫嗣子成立歷節六十六年旌

李氏高耀妻臨淄人年十七嫁未逾年夫卒欲以身殉有遺腹越數月生男乃不死守節五十四年旌

徐氏牟九疇妻臨淄人夫早卒生子甫兩月鄰人勸其改適徐舉其先世耿氏守節事對之守節五十四年御史某表其門

孫氏譚楨妻臨淄人夫卒遺孤甫十月家貧無依餓且瀕死或勸之嫁孫且哭且罵絕之守節數十年撫子成立年八十三卒旌

青州府志卷五十七

三

傅氏史學書妻臨淄人夫卒姑老家貧幼守節四十餘年旌

戴氏生員李效妻臨淄人年二十九夫卒無子獨居一室或議娶之戴號泣引刀斷二指示不二年六十五而終

山東通志作

本朝人案戴氏鍾志有傳通志誤

李氏王平妻博興人夫卒遺一女無子女既嫁曰吾事畢矣自經死

張氏趙楨妻博興人嫁五日夫卒慟哭而絕者數四父母勸之不死三年服除祭墓歸其夕自經死

初氏張銍妻博興人夫卒守節終

胡氏張蘊妻壽光人夫卒與妾崔氏同自經於柩側

于氏劉安妻昌樂人夫卒撫孤守節舅姑欲嫁之誓死不從撫按某表其門

趙氏劉弁妻昌樂人夫卒撫孤守節撫按某表其門

張氏趙天敘妻昌樂人夫卒苦節撫孤撫按某表其門

張氏劉愷妻昌樂人夫卒守節教子年七十卒

尙舊志尙氏王無爭妻趙氏秦池妻皆昌樂人夫亡自縊作張誤

旌

劉氏馮子蒙妻臨朐人夫卒守節以終旌

青州府志卷五十七

三

自畢竟選妻王至此凡二十有四人或見於縣志或見於康熙間府志或二書皆不載時世莫得而詳以其見於鍾志姑置萬曆之後以鍾志成於萬曆四十二年也

韓氏李永建妻壽光人孝行純篤姑有痼疾奉湯藥二十一年不懈姑歿事翁尤慎知縣王杼聞其孝特表之

黃氏李渠妻壽光人夫卒與妾王氏守節撫孤生祚娶妻

籍氏亦早寡皆以節終人稱一門三節云

于氏孟維新妻壽光人夫卒以死殉

縣志不言所以死

王氏劉邦傑妻臨朐人年十九生子圮六月而寡嘗歸寧

母氏日暮甫入月城而城已內閉雨驟至王據鞍危坐待旦而入見者肅然子圮後爲陵川縣令

胡氏馮毓陽妻臨朐人夫卒年二十一遺孤廷翊方數月以死自誓戚族止之曰呱呱者何依一死非所以報夫也胡忍死自守二十餘年教子爲諸生而歿

王氏陳情表妻臨朐人年二十一子未及期而夫卒苦志貞守撫育有方天啟間知縣張于京表其門

劉氏遲一元妻臨朐人夫卒年十九撫孤錡成立後爲曲阜訓導

胡氏張應宿妻臨朐人夫卒三日自經以殉知縣張于京

表其門

李氏劉源清妻安邱人歲貢李淑孕女也年十八適源清入門卽侍湯藥數月未嘗倦誓以死殉源清領之而逝李不變服隨人朝夕哭言動自若三日殮畢出視日午曰可矣遂閉門裂帛自縊帛長履地不死整頓升棺而終歛鬢不亂事在天啟元年二月

王氏周監二妻安邱人夫亡自縊時年未二十知縣某表其門

王氏夏蓮妻益都人年十八適蓮無子夫病篤請於父母曰兒死當嫁婦王聞之曰我心如石願死以報嫁何爲者

既而夫卒王號泣不絕終於祔側年二十一崇禎間知縣介松年表其門

朱氏郭鳳妾益都人鳳五十喪妻納郭爲妾年二十二逾六年夫病篤以郭爲念郭乃自經死知縣張某表其門

劉氏楊開春妻益都人值趙寇之亂開春將出避之劉曰君請自爲謀我惟一死耳俄而賊至曳之行劉曰我自從汝何曳爲急趨市肆取屠刀自刎而死

王氏劉聞詩妻益都人年二十夫卒子三歲舅姑欲嫁之堅守不移克盡孝道子又早亡撫其孫至老無異志

魏氏安恆妻壽光人夫卒子致遠方九歲魏誓以死殉其

青州府志卷五十七

三

兄勸之曰此兒慧也可不忍須臾無死以待其成立耶乃止越三年致遠試於有司列高等魏初聞之喜形於色既而曰可以報夫子於地下矣痛哭嘔血卒

王氏閩士舉妻昌樂人歸閩數載而寡家貧子幼苦節五十年崇禎末旌

薛氏江南薛某女臨朐王佐才妾也佐才爲西寧道卒於官薛自刎以殉聞者莫不悲哀及歸葬男婦萬餘送至潼關崇禎間旌

瞿貞女佚其姓安邱人遇亂被掠不屈死墓在東郭外崇禎二年知縣張瑄弔以詩有攜手夜臺如白日共聽冢上

讀新詩之句碑刻尙存邑東二十里孟哥莊南又有著貞女墓邑人曹澣弔以詩刻石於墓亦不書姓氏

劉氏馬垵妻安邱人貢生劉鵬翹女也年十九適垵次年垵卒誓以死從父方應科試母董勸以待父日至柩前謝曰以待吾父非敢相忘也越八日父至以養舅姑責之劉曰舅姑尙有三子非兒責也卽訣家人整衣自縊事在崇禎六年四月旌

周氏田復年妻安邱人夫卒不食亦不易服拜辭家人從容自縊時年十七

韓氏韓原達女安邱人許字辛保明未嫁而保明天女聞

青州府志卷五十七

三

之數日不食而死遺言當葬我辛氏墓側父從之時年十六里人爲立異室同穴之碑

王氏李柁妻安邱人夫十九歲得羸疾王涕泣侍湯藥疾篤謂柁曰吾與君同歸特分先後爾柁死家人知其意防之夜久少懈遂投繯衆驚起救之八日不食置之棺中諸姑伯姊環泣不應而瞑

王氏周緒慶妻安邱人夫卒王年二十五自縊者三時王方有娠姑鄭日夜防守諭之曰死易立孤難爾幸有身汝死不絕夫後乎王感悟不死彌月生男懋矢志守節拮据三十年懋卒成立領於庠

李氏李芳妻諸城人夫病將死李詣水棺各二人問故曰夫死吾不得生矣未幾夫卒既殮自縊柩側知縣某表其門勒石於墓

邱氏王德純妻諸城人夫卒邱年二十九無出拜舅姑娣姒自縊柩旁知縣秦某表其門

趙氏徐州知州孫振基繼妻諸城人事姑孝撫前子女如已出夫卒不變服不哭誓以身殉子女環泣勸止趙正色曰無誤我恐追汝父不及也勺水不入口三日自縊死縣府道并表其門

王氏徐直妻諸城人年二十六夫卒既殮又促人治棺衾

青州府志卷五十七

三

甚急家人懼告其父仁民仁民至王拜曰兒與父長別矣乘間縊於柩側

燕氏王咸貞妻諸城人夫卒燕年二十一子在襁褓即日自縊死知縣某表其門

胡氏李敬中妻諸城人遂平知縣胡來進女孫也年十七歸李生一女而敬中歿年二十四初哭踊甚哀比三日不哭盥櫛拜舅姑堂下曰婦不幸失所天無子將從死者地下不得復事舅姑幸強飯自愛他日叔有子爲亡人立嗣歲時奠麥飯足矣姑及其母泣止之不可焚香告柩前顧家人曰洗含汝等親之不可近男子遂入戶自縊姑與母

趙氏扁突疾呼終不絕而死載明中

黃氏曹幼學妻諸城人夫年三十卒其自縊姑救之而蘇曰我老而瞽無子矣婦死將何恃黃泣曰婦無所出義當殉姑命敢不從妾李氏亦曰能緩死以事姑妾亦能相從也於是相依二十餘年無他志姑歿葬畢而黃病篤謂李曰可矣李遂不食與黃同死時崇禎十四年也

張氏青州衛千戶顧思源妻博興人崇禎末張懼變自製衣結束甚嚴襲以常服城陷夫被殺張以頭搶地曰待我待我兵欲掠之張大罵曰此吾死所也遂遇害

朱氏劉玉妻博興人知縣陳某表其門

青州府志卷五十七

三十五

張氏趙氏婦佚其夫名博興人貢生張夢禎女也嫁五日夫卒痛哭屢絕父母勸之乃不死三年服除祭墓歸其父自經死

張氏趙秉德妻博興人慈

楊氏楊方升女博興人明末城陷女白袒母王曰城陷矣不可落人手投水死王亦偕死越日家人出其尸顏色咸如生手猶相挽不可解云

相氏顧氏媿佚其夫名博興人遼東參議頤子婦也崇禎十五年城破被掠至南門橋上厲聲曰吾家世忠孝決不辱投水觸石而死須臾浮水面立如生一軍肅然拜禮而

去

張氏張希稷女高苑人新城參將王象豐妻也崇禎十五年城陷投井死

徐氏徐蘭女壽光人崇禎十五年寇亂被掠投井死
國朝順治三年官表其門刻石并眉以誌之

劉氏侍郎魏瑄妻壽光人崇禎十五年城陷攜女京姐并投井死事聞得旌表其井曰義井

胡氏張養志妻壽光人崇禎十五年城陷養志殉難胡絕粒七日而死

馮氏馮連昌女昌樂人方十歲崇禎末寇亂被掠哭不止

青州府志卷五十七

三六

賊曰汝思父母明日城破行相見矣女

賊明日

送死耳賊怒殺之

王氏田升年妻昌樂人夫僑居濰陽崇禎十五年之變城將陷王謂子集蘭曰汝父受國恩汝獨不能爲父報國耶集蘭奮用出戰死王自縊集蘭妻張亦縊死

馬氏趙鳳來妻昌樂人崇禎十五年寇亂被執不屈死

張氏二女安邱張民翰二孫女也一年十九一年十五崇禎十五年之變恐遭辱皆縊死

王氏王涵女安邱人崇禎十五年被掠不屈死

張氏張其珍女安邱人年十六崇禎十五年從母避難東

坡莊兵至縛之馬上不屈死

李氏李杰女安邱人崇禎十五年被掠不屈死

高氏王熙妻安邱人夫病革高先自縊夫聞其死曰已先去我乎遂瞑目事在崇禎十五年二月

黃氏劉正宗妻安邱人郎中黃禎女曾孫也崇禎十五年之變夫以翰林居京邱黃攜子處仁避亂安東衛城陷殺其子並執黃黃大罵曰我命婦也肯從汝乎遂遇害

劉氏曹大順妻安邱人大學士劉正宗女也同母黃氏遇難不屈死

馬氏李禧妻安邱人崇禎十五年避亂諸城城陷夫遇害

青州府志卷五十七

三

馬自縊死逾月顏色如生

馬氏劉正業妻安邱人崇禎十五年遇難被執曳之馬上者三馬號呼投地誓不絕口遇害

王氏江之楫妻安邱人崇禎十五年之楫偕王避亂山中指石穴與夫訣曰生死不離此地幸與此地相尋俄而兵至令王解衣搜銀王曰頭可斷衣不可解兵怒刃之王奮力爪傷其面遂死焉後夫於故處收其尸色猶如生

王氏馬化中妻安邱人崇禎十五年化中偕王避亂爲兵所傷欲掠王罵不絕口遂遇害

鄭氏劉必顯妻諸城人事舅姑孝崇禎十五年土寇竊發

舉家避難膠州寇圍其屋鄭矢志不辱自縊死

鄭氏王沛愷妻諸城人事姑篤孝崇禎十五年從姑避亂瑯邪臺姑遇害鄭罵賊死年十九

王氏隋毓崙妻諸城人早寡崇禎十五年值兵過王匿穴中爲兵所得置馬上王自投而下以首觸刀環不屈死年

二十一

徐氏張翊華妻諸城人事姑篤孝崇禎十五年之變被掠不辱死

鄭氏孫必振妻諸城人崇禎十五年遇難自剄死

某氏佚其姓博興人崇禎十六年被兵北城陷諸生賈光

青州府志卷五十七

縉匿迎秀門邏者土室草束中有兵拽女子至逼之不從以刃加額曰拒將殺汝女怒罵遂殺之兵行不數武路而死光縉云

徐氏張惟蕃妻諸城人事舅姑以篤孝稱崇禎十六年大兵東下爲鐵騎所獲不屈死布政使俞成龍表其門李氏王子謨妻安邱人崇禎十七年爲賊宋廠所掠昇之去李怒罵不止遂遇害

陳氏韓繼休妾安邱人崇禎十七年夫死於難投井死

王氏王邵妻諸城人崇禎十七年夫遇害舉家將避亂去王堅不出言夫死吾焉用生遇害於家年二十二遺孤永

裕甫六歲伯叔撫之成立爲娶李氏生一子甫襁褓永裕
又死李年方十九以節終

范氏王業新妻諸城人崇禎十七年土寇大訶避地丁家
大邨夫遇難范赴井死

馬氏佚其夫名諸城人崇禎十七年土寇至夫與子皆遇
害馬亦被掠給賊曰吾井中有藏鏹可往取之比至投井
死

趙變妻佚其姓益都人遇兵變掠之馬上氏罵不絕口遂
遇害

馮氏烈氏婦佚其夫名益都人夫遇兵被殺馮攜四女免

青州府志卷五十七

三九

焉紡績務農治家嚴謹冰霜之操凜然

趙氏于通妻臨淄人崇禎末李五等倡亂所在焚掠趙隨
通扶姑避亂穴地而居姑爲賊所執通語賊曰有妻在可
供使令亟呼妻出曰母執矣將焉匿趙出厲聲罵賊以示
不辱賊露刃以脅則延頸受之姑獲免趙時年十七適通
纔十七日耳

國朝康熙十五年旌

孫氏高苑人年十七許字白天祉子廷銓崇禎末爲流賊
所掠刃加其頸不屈縛之馬上撞下者三罵不絕口遂遇
害其父從美母李伯文明美兄起蘇嫂劉皆罵賊而死天

社收其屍葬之

李氏鄧九州妻樂安人夫卒事舅姑孝撫孤成立年七十餘卒

蔡氏蔣珣妻樂安人婚有期而珣病其父欲緩之以觀病勢蔡曰已受聘蔣氏婦也正當侍其湯藥奈何難之于歸九日而夫卒哀慟欲絕乃屏居一樓四十餘年雖至戚莫得見其面撫繼子應逢成立後土寇陷城投井死

閻氏馮啟宗妻張氏佚其夫名馮珣母李氏馮繼宗妻張氏馮承宗妻皆昌樂人崇禎末爲寇所逼同時縊死

劉氏張大美妻昌樂人崇禎末夫爲寇所殺劉縊死旌

青州府志卷五十七

早

王氏劉曰愛妻安邱人年二十三兵入境見王欲掠之王據門長號曰我誓不出此門遂殺於門側

韓氏張緒倫妾安邱人夫卒自經死

史氏佚其夫名安邱人甘州副將張攀兄妻也崇禎末流寇攻甘州攀盡節史被執不屈死全家遇害

自李永健妻韓至此凡七十有八人亦如曹明達以下百八十有二人之例

王氏劉之偉妻樂安人之偉家貧力學勤紡績佐之年二十之偉卒家貧姑病王依姑苦守形影相弔者二十年後王亦病且死跪辭姑曰後死者得相從地下無所恨但不

得事姑爲罪爾言訖而終

王氏徐濟妻樂安人夫卒年二十四既視含殮飲藥柩側而死

王氏廩生劉之汶妻樂安人夫卒年二十三絕粒三日時姑年七十矣哭勸之食乃不死立某爲夫後縣志云繼嗣成立獲雋於庠而不書其名

蘇氏宋藻妻樂安人夫卒蘇年二十無子守節養姑以孝聞年七十以壽終

蔣氏畢昭顯妻樂安人生員蔣奇鏞女也年二十夫卒無子矢志堅貞事舅姑以孝聞守節三十餘年後爲亂兵所

青州府志卷五十七

四二

害

李氏賈福成

山東通志成作情

妻樂安人年十九夫卒生遺腹子

撫之成立貞潔自持治家嚴肅年七十五以壽終

成氏趙俊之妻年二十一夫卒無子剪髮自誓事姑孝年七十而終

卜氏宋氏婦佚其夫名樂安人年二十夫卒斷一指自誓以節終

李氏王家桂妻樂安人嫁甫逾月而夫卒苦節五十餘年鄰里咸公舉之

連氏思恩府經歷奎貴和妻樂安人貴和之官南中連留

事姑遣妾隨貴和往貴和卒連年甫二十餘經理家政上下嚴肅姑歿喪葬盡禮守節四十餘年二子成立及身得旌而妾亦與焉

邢氏黃鳳鳴妻樂安人夫以非罪繫獄死邢憤痛投繯以殉邑人哀之

李氏張雲鳳妻樂安人夫卒無子苦節四十餘年年六十餘卒

馬氏生員司維新妻樂安人遇兵被執罵不絕口竟支解以死

孫氏趙延年妻樂安人夫卒姑與祖姑猶在孫生事死葬

青州府志卷五十七

四十一

不愆於禮撫二子成立後以壽終有司舉其事請旌焉

自劉之偉妻王至此凡十有四人皆見於康熙初樂

安續志而失其年次案縣前志成於萬曆三十一年則續志所錄或皆萬曆三十一年後之人姑錄於此

王氏張爾棟妻臨淄人夫卒貞靜自守歷節五十年旌

李氏胡瀾

舊志瀾作潤

妻臨淄人夫救母身殞立嗣奉親無缺

守節三十餘年旌

孫氏齊申

山東通志申作甲

毓妻臨淄人旌

崔氏李呈彥妻臨淄人年十九夫卒矢志堅守數十年

許氏徐嘉弼妻臨淄人年十九夫卒無子奉姑無缺備極

艱苦年九十餘卒

陳氏于耀妻臨淄人夫卒剪髮自誓孝親撫孤苦節終其身

張氏壽光張某女樂安賈應孝妻也夫卒以身殉縣志不言所以死

張氏趙敘倫妻昌樂人夫卒苦節撫孤旌

張氏劉養德妻昌樂人年十九夫卒家貧逾月生遺腹子

祚允撫之苦守長為諸生旌

張氏李鳳徵妻昌樂人嫁逾月而夫卒誓以身殉母家迎之歸獨處一室服除詣夫墓一痛而絕巡撫某表其門

青州府志卷五十七

四

田氏左養蒙妻昌樂人年二十七生子經而寡妾某氏佚其姓年二十二生子綸相依苦守二子既長相繼為諸生縣志云上憲表其門不言何官

趙氏邱爾備妻昌樂人夫卒苦節四十年知縣郭某表其門

趙氏劉完璧妻昌樂人歸完璧十載而寡生子萬載方八歲婦職母道兼盡不渝

趙氏張慎勤止東通志妻昌樂人夫卒教子持家里黨稱

之

馬氏佚其夫名昌樂人孝子劉經世母也夫卒守志教子

經世爲諸生以孝聞

傅氏魏崇本妻昌樂人夫卒痛哭不止數日而死

黃氏田大有妻昌樂人夫卒妾辛氏自經死黃撫兩孤長皆爲諸生日可以見吾夫於地下矣號泣不食而死

陶氏劉憲

山東通志
憲作獻

妻昌樂人歸憲數載生子而寡誓以身殉投繯者三皆以救不得死乃守節以終

劉氏趙昞妻昌樂人夫卒子尙襁褓奉親撫孤以節終

劉氏趙碩任

山東通志
任作印

妻昌樂人年十八夫卒將葬之夕

縊柩側今城東有烈婦碑

黃氏高養重妾臨朐人夫卒黃晝夜哭既殮出釵釧付家

青州府志卷五十七

四四

人曰無所用此矣遂自縊柩側

王氏徐光烈妻諸城人家貧事舅姑孝夫他出舅暴病瀕

危王祈天自代醫者詭言曰得生人肉可療王割股肉死

一日方蘇醫驚駭乃以肉合藥而愈商河王某表其門

自張爾棟妻王至此凡二十有二人或已旌或未旌

或並載於舊府縣志或有載有不載而皆見於山東

通志年無可考但知爲明人耳

王氏丁珣妻壽光人夫卒自經死

劉氏張世隆妻昌樂人夫卒苦志守節旌

劉氏趙似忭妻昌樂人夫卒苦節自矢府縣表其門

楊氏聶化山妻臨朐人惡少李某欲犯之不從被殺幼女
取姐救母亦被殺李論死楊得旌

馮氏王傑賓妻臨朐人夫卒奉養舅姑訓孤成立旌

自丁珣妻王至此凡五人或已旌或未得旌分見於

舊府縣志惟昌樂二人縣志列為明人而亦無其年

餘則不復知為何時但采訪亦以謂明耳

賈氏文彤妻蘇氏傅鐸妻杜氏安達妻王氏李樸妻王氏

文慶妻陳氏孟炳妻張氏王應登妻王氏青州衛指揮高

殿邦妻楊氏馮漢妻王氏劉毓長妻閻氏周秉德妻邵氏

張舜臣妻皆益都人

青州府志卷五十七

薛氏齊甲

山東通志
甲作申

毓妻薛氏于雯妻皆臨淄人

孫氏許敬妻劉氏畢澄妻郭氏李國誦妻張氏宋懋官

舊志

作宋懋

妻王氏李培妻孫氏种伯選妻王氏侯應封妻袁氏

安一登妻趙氏秦池妻

昌樂有已旌烈婦秦池妻趙氏與
此當是兩人舊志兩載之亦各見

於縣志

皆樂安人

馬氏樂安人隋藏器妻王氏佚其夫名李可繼母張氏魏

繼文妻皆壽光人

自文彤妻賈至安一登妻袁舊府縣志或載或不載

其姓氏皆見於山東通志知為明人而年皆無考秦

池妻趙隋藏器妻馬縣志亦列於明李可繼母土魏

繼文妻張則又通志所稱爲明人者也

唐鵬妻佚其姓年十九歸鵬夫卒矢志苦守母欲嫁之婦
晝夜飲泣不食母不復言紡績給姑養以節終

鍾志所載闕其縣傳後有舊志字亦漫滅不可識姑
錄於此

